



# მეშახსრე



კომპანიის სიახლეები / ჩვენი თანამშრომლები / მიღწევები / ქალაქის აბეები



## ახალი აღჭურვილობისა და შახტის ტექნიკური განახლებისთვის 9 623 273 ლარი დაიხარჯა

**2** | თამბაქოს მოწევაზე სანქციები განისაზღვრა!

**6** | რვაშ სტურუა - კოედი, სამთო საქმის აღიარებული მკვლევარი და თვალსაჩინო მეცნიერი



**3** | ავთანდილ ბოჭორიშვილი: „მგის შუქს იკლებ რომ სხვას სითბო და ენერგია მისცე“

თანამშრომლები "მინდელის" შახტის სატაბელო განყოფილებიდან

**4**



# ახალი აღჭურვილობისა და შახტის ტექნიკური განახლებისთვის 9 623 273 ლარი დაიხარჯა



პანდემიის საპრევენციო სამუშაოების პარალელურად, „საქნახშირი“ სარეაბილიტაციო და განახლების სამუშაოები უცვლელ რეჟიმში მიმდინარეობს. 2021 წლის მარტიდან მზად იქნება მე-10 ველი. 19-ე ველი კი აპრილის ბოლოს, ჩინეთიდან ახალი მანქანა-მონწყობილობების ჩამოსვლის შემდეგ დასრულდება.

საექსპლუატაციოდ აღდგენილია ელმავლების ნაწილი. გარკვეული ნაწილის სარემონტოდ კი უკვე შეძენილია სათადარიგო ნაწილები. გარდა ამისა, შემოტანილია 10 აკუმულატორული ბატარეა, რაც ხელს შეუწყობს სანარმოს ყველა ელმავლის ამუშავებას. წმენდითი საწარმოს ექსპლუატაციაში გამშვებისთვის, მთელი რიგი მანქანა-მონწყობილობების შესაძენად თანხა უკვე გადახდილია. მათ შორის არის 12 სახვეტებიანი კონვეიერი და ამ კონვეიერების კაპიტალური რემონტისთვის საჭირო სათადარიგო ნაწილები.

მე-10 და 19-ე უბნებისთვის, ასევე 350 ჰორიზონტზე, ახალი საველე გვირაბის გასაყვანად შეძენილია საკაბელო მეურნეობა. პროდუქცია უკრაინიდან ძალიან მალე ჩამოვა. ჩამოთვლილი მანქანა-მექანიზმების ექსპლუატაციაში გასაშვებად შეძენილია მაგნიტური გამშვებებიც. 10-ე და 19-ე ველებისთვის შემოტანილია ავტომატური საგამო დაცვის აპარატურა და შეძენილია განგაზიანებისა და განიავეებისათვის საჭირო მონწყობილობები.

რეაბილიტაცია ჩაუტარდა 3 კილომეტრზე მეტ სალიანდაგო მეურნეობას. ანალოგიური პროგრამა, იგივე მოცულობით, 2021 წლისთვისაც არის დაგეგმილი (ფინანსები უკვე გამოყოფილია). მე-10 და 19-ე ველებისთვის, ასევე 350 ჰორიზონტის საველე გვირაბის გასაყვანად 3 კომპრესორია შეძენილი.

მნიშვნელოვანი სამუშაოები შესრულდა სასკიპე და დამხმარე ჭაურების კაპიტალური რემონტისთვის. გათვალისწინებულია ყველა ის შენიშვნა, რაც სამშენებლო და ტექნიკური ზედამხედველობის სააგენტომ მისცა კომპანიას. აღნიშნულ გვირაბებში გრძელდება გამბრჯენების გამოცვლა და ასევე მიმდინარეობს გამყოლების წესრიგში მოყვანა. გარდა ამისა, დამხმარე ჭაურში მთლიანად გარემონტდა და გამოიცვალა სათადარიგო კიბეები. „დიდიურის“ შახტზე დამონტაჟებულია სრულიად ახალი ლიფტი.

„მინდელის“ სახელობის შახტის ზედაპირულ კომპლექსზე გამოიცვალა ამორტიზირებული გორგოლაჭი და დახრილ გალერეაში მთლიანად გამოიცვალა კონვეიერის ლენტი. ავტოტრანსპორტის განახლებისთვის მნიშვნელოვანი ინვესტიცია ჩაიდო ავტოფარეხში.

2020 წლის მეორე ნახევარში კომპანიამ სპეც ტანსაცმლის 1100 კომპლექტი და 500 დათბილული ქურთუკი შეიძინა (ზამთრის პერიოდისთვის, შესაბამისი პროფესიებისთვის), თებერვლის ბოლოს კი რეზინის ჩექმები დარიგდება.

ამ ეტაპზე, რემონტისთვის და შახტის ტექნიკური განახლებისთვის საჭირო ახალი აღჭურვილობისთვის 9 623 273 ლარია დახარჯული.



## თებერვალში გამოვლენილი დარღვევები



თანამშრომლების მხრიდან უსაფრთხოების წესების დარღვევის გამო, თებერვალში ადგილი ჰქონდა რამდენიმე ინციდენტს. პირველი შემთხვევა ელექტრო დეპოს ელმავალზე ბატარეის მიერთებისას მოხდა. ელექტრო დეპოს ზეინკალმა არ დაიცვა უსაფრთხოების ზომები. სიჩქარისა და დაუდევრობის გამო, არ დააკვირდა როგორ იყო მოთავსებული მცველი ბუდეში. ამის გამო ჩამრთველი გადმოცურდა და შეერთებისას მოკლე ჩართვა მოხდა. „საქნახშირმა“ თანამშრომელს მკაცრი გაფრთხილება მისცა, განმეორების შემთხვევაში მკაცრი ზომები გატარდება.

მეორე შემთხვევა რელსებიდან გადასული ელმავლის გასწორებისას მოხდა. ამწვეი საშუალებით ელმავლის რელსებზე დაყენებისას, მემანქანემ წინა სავალი ბორბლები ფიცრით დააფიქსირა (რომ არ გაცურებულყო). როდესაც ელმავალი „ტალით“ ასწიეს, ელმავლის მემანქანე სამუხრუჭე ფიცრის გამოსაღებად მივიდა, რა დროსაც „ტალიმა“ ელმავალი მოქაჩა, მეორე თავი რელსებს გაუსწორა, პირველი თავი კი ახლოს მივიდა სამაგრთან. ამ მომენტში მუშა კედელთან ახლოს იმყოფებოდა და ელმავალსა და სამაგრს შორის მოყვა. მემანქანემ მსუბუქი დაზიანება მიიღო და მას სასწრაფოდ გაუწიეს სამედიცინო დახმარება. სამუხრუჭე ფიცრის გამოღება რელსზე ელმავალის ოთხივე ბორბლით დასამადე არ შეიძლება. უსაფრთხოების წესები კი ყველასთვის ცნობილია და თანამშრომლების მხრიდან მათი უგულებელყოფა დაუშვებელია.

მესამე შემთხვევა გასათბობი ლუმენის ჩართულ მდგომარეობაში დატოვებამ გამოიწვია. მელულემესახელურეს და გამგორეს მიწისზედა კომპლექსის მოსაცდელში ლუმენი დარჩათ ჩართული, რის გამოც მცირე ხანძარი გაჩნდა. შედეგად მოსაცდელი და გადაწყვირავების ხის სადგომი დაინვა. საბედნიეროდ არავინ დაშავებულა.

კომპანია „საქნახშირმა“ თანამშრომლებს მკაცრი გაფრთხილება მისცა და კიდევ ერთხელ მოუწოდა, რომ არ დაარღვიონ უსაფრთხოების ზომები და საფრთხე არ შეუქმნან საკუთარ და სხვების სიცოცხლეს.

### თამბაქოს მოწევაზე სანქციები განისაზღვრა!

საქართველოს კანონმდებლობისა და „საქნახშირის“ შინაგანაწესის გათვალისწინებით, სანარმოს ტერიტორიაზე, მიწისზედა და მიწისქვეშა კომპლექსში, თამბაქოს მოწევისთან დაკავშირებული სანქციები განისაზღვრა. 2021 წელს, თამბაქოსა და სანთებელას შახტში შეტანასთან დაკავშირებით სამჯერ მოხდა „საქნახშირის“ მინისქვეშა პერსონალის შემონგება. გამოვლინდა ორი დარღვევა.

შახტში (მიწისქვეშა კომპლექსში) სიგარეტის მოხმარება ხელფასის 50%-ის დაქვითვას გამოიწვევს, იგივე ქმედების განმეორების შემთხვევაში კი დასაქმებულთან შრომის ურთიერთობის შეწყვეტა მოხდება.

სხვა შემთხვევებში კი დადგენილია შედარებით ნაკლები ოდენობის სანქცია, რომელიც განმეორების შემთხვევებში გაიზრდება.

თამბაქოს მოწევა, განსაკუთრებით მიწისქვეშა კომპლექსში, დიდ საფრთხეს უქმნის მწველს და მის გარშემოყოფებს. ამიტომ, პერსონალის შემონგებები სისტემატურად ჩატარდება.

## გეგმის შეუსრულებლობის გამოწვევებზე მიზეზებს სპეციალური კომისია იკვლევს

11 თებერვალს, N4 უბნის თანამშრომლებმა დაბალი ანაზღაურება გააპროტესტეს, რაც მათ მიერ გეგმის შეუსრულებლობით იყო გამოწვეული. საბოლოოდ, „საქნახშირის“ ადმინისტრაციასა და N4 მომპოვებელი უბნის თანამშრომლებს შორის ხელშეკრულება გაფორმდა. 12 თებერვალს მეშახტეებთან გამართული თათბირის შედეგად გადაწყდა, რომ ისინი გეგმის 100%-ით შესრულების შესაბამის ხელფასს მიიღებენ, მომდევნო თვეების განმავლობაში კი, გეგმის გარდა დამატებით 1340.31 ტონა ქვა-ნახშირს მოიპოვებენ.

N4 უბნის თანამშრომლების მიერ გეგმის შეუსრულებლობის გამოწვევებზე მიზეზებს სპეციალური კომისია იკვლევს და შედეგები მალე გახდება ცნობილი.





# ავთანდილ ბოჭორიშვილი: „მზის შუქს იკლებ რომ სხვას სითბო და ენერჯია მისცე“

ავთანდილ ბოჭორიშვილის სამთო დარგით დაინტერესება ძალიან ბუნებრივი იყო, რადგან ის ჯერ კიდევ გასულ საუკუნეში, 1954 წლის 3 მარტს, მემახტეების ქალაქში დაიბადა... მამა 60-იან წლებში ელექტრო საამქროს უფროსი იყო, ბაბუა „ორჯონიკიძის“ შახტის მთავარი ბულალტერი. თავიდან, გადანყვითა ბედი სხვა პროფესიაში, კერძოდ, არქიტექტურაში ეცადა. თუმცა, საბოლოოდ ტექნიკური უნივერსიტეტის სამთო ინჟინერიის ფაკულტეტზე ჩააბარა. ბატონი ავთანდილი რამდენიმე სალექციო კურსის და სამეცნიერო ნაშრომის ავტორია. უნივერსიტეტში მიღწეული წარმატების მიუხედავად სამეცნიერო საქმიანობაზე უარი თქვა. მშობლიურ ქალაქს დაუბრუნდა და ცოდნა, გამოცდილება და ნიჭი შახტას მიუძღვნა. ბატონი ავთანდილი ღირსების ორდენოსანია და მისი ოჯახი „საქართველოს საპატიო ოჯახების“ წიგნშია შეყვანილი.



**ავთანდილ ბოჭორიშვილი:** „ყველაფერი მემარჯვებოდა - ხატვა, ძერწვა, კერვა. ხაზვაში წარჩნებული ვიყავი, ლითონზე რამდენიმე ჭედური ნახატი მაქვს ვაკეთებული, სუვენირებსაც ვაკეთებდი. მინდოდა არქიტექტურაზე ჩამებარებინა. მამას არ უნდოდა შახტში მემუშავა. ჩემს დროს სამედიცინო, იურიდიული და არქიტექტურა იყო პოპულარული. თუმცა, საბოლოოდ მაინც სამთო მიმართულებაზე ჩავაბარე.“

თბილისში სწავლის პერიოდში, ჩემს სამაყო პროფესორებთან, კბეთანელთან და ბ.დემეტრაძესთან ერთად, საღამოს დასწრებულებს ვუკითხავდი ლექციას. პროფესორებთან ერთად ვმუშაობდი წიგნზე „ქანთა მასივის მდგომარეობის მართვა.“ ინსტიტუტში რაც კი კედლებზე გამოკიდებული ნახაზები იყო, 80% სულ ჩემი დახაზული გახლდათ. 5 წლის განმავლობაში, პროფესორებთან ერთად, დიპლომების დაცვის კომისიის თავმჯდომარეც ვიყავი.

**მიღწეული წარმატების მიუხედავად, საბოლოოდ მაინც ტყიბულს დაუბრუნდით...**

1981 წელს, 56 წლის ასაკში მამა გარდაამცვალა. V კურსზე ვიყავი, ამ დროს უკვე მყავდა მეუღლე, 2 წლის ქალიშვილი და დედა. ინსტიტუტი დავამთავრე და ტყიბულში ჩამოვედი. მუშაობა N1 ნახშირმომპოვებელ უბანში, ცვლის უფროსად დავინყე. ამის შემდეგ აქ სამთო საქმეების ინჟინრად ვმუშაობდი (შემდეგ მთავარ ტექნოლოგად, მთავარი ინჟინრის მოადგილედ, მთავარ ინჟინრად და დეპარტამენტ „საქნახშირში“ წარმოების დირექტორად). 8 წლის განმავლობაში გენერალური დირექტორი ვიყავი. ამჟამად დირექტორის მოადგილე ვარ შრომის უსაფრთხოების დარგში. რთული და საპასუხისმგებლო საქმიანობაა, თუმცა ამის გარეშე ვეღარ წარმოვიდგენია. სამსახურში დილის 5:30 საათზე მოვდივარ, 5:45-ზე თათბირი იწყება. დილიდან კავშირზე ვარ დისპეჩერთან, ვარკვევ რაიმე შეფერხება ხომ არ გვაქვს, რამდენი იყო მოპოვება, რა იყო ხელისშემშლელი პირობები... შემდეგ ვინყვებთ თათბირს, ყველა უბნის უფროსი ყვება რა პრობლემაა, ხდება შესწორებები და განრიგების გაშვება.

**შეიძლება ითქვას, რომ კომპანიის მთავარი პრიორიტეტი დღეს უსაფრთხოებაზე მრუნვაა?**

დღეს, ჩვენი პრიორიტეტი უსაფრთხო სამუშაო გარემოს შექმნაა. გასულ წლებში ძალიან ბევრი სასახელო ადამიანი დაკარგა შახტამ და ეს თითოეული ჩვენგანის უდიდესი ტკივილია. გვახსოვს და მუდამ გვემახსოვრება ჩვენი ბიჭები. საამაყოა ის ფაქტი, რომ ბოლო ერთი წლის განმავლობაში მსგავს პრეცედენტს ადგილი არ ჰქონია. უსაფრთხოების მიმართულებით ბევრი ცვლილება განხორციელდა და ხორციელდება. განახლებულია ცენტრალური ავტომატური საგამო სისტემა და თავისებურ შედეგს იძლევა. ყველაფერს ვხედავთ - სად არის CO, მეთანი. მიგნით თუ გამოუპარა ვინმეს აქ ჩანს. „საქნახშირმა“ დიდი შრომა გასწია ისეთი სისტემის დასაწერგადაც, რომლის საშუალებითაც მიწის ქვეშ ადამიანების გადაადგილებას სრულიად ვაკონტროლებთ. ჩიპებით მონიტორინგს გამოსულია თუ არა პიროვნება უსაფრთხო მაძილებ და თუ არ არის გამოსული დისპეჩერი არ აძლევს აფეთქების უფლებას. ამ მონაცემების დანერგვა საკმაოდ



დიდ თანხებთან იყო დაკავშირებული. ეს ახალი ტექნოლოგიაა და ადრე ამის ფუფუნება არ იყო. ამ და სხვა ტექნოლოგიებმა ერთად განაპირობა უსაფრთხოების მაღალი ხარისხი. მაღლობა ამ კომპანიას, რომ დღეს გამოწვევა „უსაფრთხოება“ შეგვიძლია ვთქვათ რომ დაძლეულია.

**როგორ ფიქრობთ, რამდენად დაინტერესებულია ახალი თაობა სამთო მიმართულებით?**

ახალგაზრდა სპეციალისტების მოზიდვა და მათთვის გამოცდილების გაზიარება კომპანიის კიდევ ერთ პრიორიტეტულ საკითხს წარმოადგენს. პირადად მე, ახალგაზრდებს ვუზიარებ ჩემს მრავალწლიან გამოცდილებას, რათა აიმაღლონ კვალიფიკაცია და პროფესიონალებად ჩამოყალიბდნენ. გარდა ამისა, გზადაგზა სტანდარტების და რეგლამენტების კითხვას ვავალებ და ვცდილობ, გავუზიარო ყველაფერი რაც ვიცი. მინდა გითხრათ, რომ საკმაოდ შრომისმოყვარე და ნიჭიერ მომავალ სამთოელებთან მაქვს კონტაქტი. მე ეს ძალიან მახარებს.

**ბატონო ავთანდილ, როგორი უნდა იყოს ნამდვილი სამთოელი?**

შახტა მძიმე და სამიში ობიექტების კატეგორიას მიეკუთვნება. სამთო მასასთან გვიწევს შერკინება, ამიტომ სამთოელს ძლიერი გული უნდა ჰქონდეს! სამთოელობა სხვანაირი დარგია, 10 წლით დამდურებულები რომ იყვნენ და ერთს საფრთხე შეემქნას, მეორე თავს განირავს და არ დატოვებს. ვაჟკაცური დარგია, მზის შუქს იკლებ მენ რომ სხვას სითბო და ენერჯია მისცე.

ყველა მემახტეს ვუსურვებ, რომ თავისი ხელით დატოვებული სატაბელო ნომერი თავისივე ხელით აეღოს და თავისი დაჭეჭიანებული სხეული თავისი ხელით დაეხანოს, უმნიშვნელო ტრავმაც არ მიეღოს.



# თანამშრომლები "მინდელის" სახელობის შახტის სატაბელო განყოფილებიდან



ამჯერად „მინდელის“ შახტის სატაბელო განყოფილების თანამშრომლებზე მოგიყვებით. 12 თანამშრომლიდან 11 ქალბატონია და 1 მამაკაცი. მათი საქმე საკმაოდ პრომატევალია - ისინი დღე-ღამეში 12 საათიანი სამუშაო გრაფიკით მუშაობენ. მუშაობენ შახტში და მის ზედაპირზე სამუშაოდ წასვლა სატაბელოში რეგისტრაციის გავლის შემდეგ შეუძლია, მათ აღიკვეთა და სამუშაო ინვენტარზე პასუხისმგებელი სწორედ შახტის სატაბელო განყოფილებაა.

შახტში დასაქმებულ ქალბატონებს სატაბელო განყოფილებაში მუშაობის მრავალწლიანი გამოცდილება აქვთ, ისინი საქმის პროფესიონალები და ერთგული თანამშრომლები არიან. რამდენიმეს ოჯახის წევრიც შახტშია დასაქმებული (მეუღლე, შვილი, მამამთილი). მათი ოჯახების ძირითადი შემოსავლის წყარო „საქნახშირში“ მიღებული ჰონორარია.

ქალბატონები აღნიშნავენ, რომ მათი სამუშაო პირობები საგრძნობლად გაუმჯობესდა რის გამოც მადლობას უხდებიან შახტის ხელმძღვანელობას და განსაკუთრებით „საქნახშირის“ დირექტორთა საბჭოს თავმჯდომარეს, მიხაილ სოცკის. „პანდემიის პერიოდში, როდესაც ყველგან შეწყდა სამუშაო პროცესი და ყველაფერი დაიხურა, შახტა მუშაობდა და დღემდე გამართულად მუშაობს. დასაქმებულები შეუფერხებლად იღებენ ხელფასს და ეს შახტის ხელმძღვანელობის დამსახურებაა“ - ამბობენ სატაბელო განყოფილებაში.

**ცირა ცნობილაძე** მინდელის სახელობის შახტზე, სატაბელოში მუშაობა 40 წლის წინ დაიწყო და დღემდე სატაბელოს უფროსი ოპერატორია. ქუთაისის სამთო-სამშენებლო ტექნიკუმი სამთო მშენებლის სპეციალობით დაამთავრა.



მეუღლე, გიზო გუბელაძე წლების მანძილზე შახტში, უბნის უფროსის მოადგილედ მუშაობდა. ის 2017 წლის 9 მაისს მომხდარი ავარიის შედეგად ტრაგიკულად დაიღუპა. ჰყავს ორი ვაჟი, მათგან ერთი, ფირან გუბელიძე შახტში, საგაზო დაცვის განყოფილებაში დასაქმებული.

**ლია გორდემიანა** „საქნახშირში“ მუშაობა 2006 წელს, ატეხში, კომუდატორად დაიწყო, სადაც 1 წელი იმუშავა. შემდეგ ეს სამსახური გაუქმდა და სამუშაოდ „მინდელის“ შახტის სატაბელო განყოფილებაში, სატაბელოს ოპერატორად გადავიდა და დღემდე ამ პოზიციაზე მუშაობს. ქალბატონი ლია პროფესიით კვების ტექნოლოგია, დამთავრებული აქვს ქუთაისის გემო-კვების ლაბორატორიის ტექნიკუმი. „სატაბელოს ოპერატორობა საკმაოდ პრომატევალი სამსახურია - გვინებს მუშაობისთვის თითოეული დღის წიგნში გატარება. სანათებს, მაშველებს, ინტერფერონებს, ინვენტარს ვაწვდით. თუ



ვინმე შემოაღებს სატაბელოს კარს ჩვენ უნდა გავცეთ ყველას პასუხი. აქედან შახტში ყველას ჩვენ ვაცილებთ, შახტიდან ამოსულსაც ჩვენ ვხვდებით. ამიტომ, თითქმის ყველა მუშაობს სახელით, გვართ და ნომრებით ვცნობთ.

ჩემთვის და ჩემი ოჯახისათვის შახტა ძალიან მნიშვნელოვანია. მეუღლე, იაგო გოგელაშვილიც მუშაობდა, რემონტის უბანზე მუშაობს. შახტზე დამოკიდებული ჩემი ოჯახის ეკონომიური მდგომარეობა. მყავს 2 შვილი, ბიჭი სტუდენტია, გოგომ უმაღლესი სასწავლებელი დაამთავრა და დასაქმებულია.

**მანანა დალუნდარიძე** ქუთაისის კოოპერაციული ტექნიკუმი დაამთავრა, ბუღალტრის სპეციალობით. „მინდელის“ შახტის სატაბელოში მუშაობა 2017 წლის ბოლოს დაიწყო და დღემდე სატაბელოს ოპერატორად მუშაობს. მეუღლე, ბიქტორ დალუნდარიძე, წლების განმავლობაში შახტში ათისთავად, ცვლის უფროსად მუშაობდა. „მინდელის“ შახტზე 2017 წლის 9 მაისს მომხდარი უბედური შემთხვევის დროს იგი ტრაგიკულად დაიღუპა. ჰყავს ორი შვილი და სამი შვილიშვილი.



ასევე, დიდი სითბო და პატივისცემა ვიგრძენი ჩემი მეუღლის თანამშრომლების და შახტის სამთო მუშების მხრიდან. ისინი ყოველთვის სიყვარულით იხსენებენ ჩემს მეუღლეს, რომელმაც შახტში 34 წელი იმსახურა.“

**მელანია კვბლაშვილი** ტყიბულის ინდუსტრიული ტექნიკუმი ელექტრობის სპეციალობით დაამთავრა. სამთო სფეროში მუშაობა 1989 წელს, შახტის პროფკავშირებში დაიწყო. 2 წლის შემდეგ კი სამუშაოდ „მინდელის“ შახტის სატაბელოში გადავიდა და 1991 წლიდან დღემდე სატაბელოს ოპერატორად მუშაობს.



მელანია მუშაობის ოჯახიდან არის - მამამთილი, ენური კვბლაშვილი შახტის მთავარი მექანიკოსი იყო. მეუღლე, გორა კვბლაშვილი შახტის მთავარ ინჟინრად და დირექტორის მოადგილედ მუშაობდა. მას შემდეგ რაც სანარმოო ტრავმა მიიღო, აღარ მუშაობს. ჰყავს 1 შვილი, 19 წლის ლუკა კვბლაშვილი, რომელმაც შახტში მუშაობა ახლახან დაიწყო.

**ლია უთმელიძე** „მინდელის“ შახტის სატაბელო განყოფილებაში მუშაობა 2008 წელს, სატაბელოს ოპერატორად დაიწყო და ამ პოზიციაზე 3 წელი იმუშავა. სატაბელოში კომპიუტერული სისტემის დანერგვის შემდეგ, სატაბელოს პროგრამული უზრუნველყოფის ოპერატორად დაინიშნა და დღემდე ამ პოზიციაზე მუშაობს.



სკოლის დამთავრების შემდეგ სწავლა ტყიბულის დამოუკიდებელი ინსტიტუტ „გელათში“ გააგრძელა, რომელიც დანყებითი განათლების პედაგოგიკის სპეციალობით დაამთავრა. ჰყავს მეუღლე და 1 შვილი. მეუღლე, თემური ქარქაძე, წარმოების უფროსის პოზიციაზე, ქვანახშირის გამამდიდრებელ ფაბრიკაშია დასაქმებული.

**დათო ცირეკიძე** ტყიბულის პროფესიული სასწავლებელი ელექტრო მექანიკის სპეციალობით დაამთავრა. ჰყავს მეუღლე ნატო ფანჩულიძე და ქალი-ვაჟი. შახტში მუშაობა 1983 წელს დაიწყო, მალევე სამხედრო სავალდებულო სამსახურში გაინვიეს. ჯარიდან დაბრუნებულმა ისევ შახტში გააგრძელა მუშაობა, სადაც რამდენიმე წელი მუშაობდა. ბოლოს „მინდელის“ შახტში, 2006 წელს, ელექტროსამშრომლი მივიდა სამუშაოდ და დღემდე ელექტრო მექანიკად მუშაობს. 3 წელია შეთავსებით სატაბელოს თანამშრომელიცაა (როგორც ელექტრო მექანიკალი), არეგონტებს მუშაობის ფანრებს, თვითმამკვლებს, ინტერფერონებს. მისი მოვალეობაა ელექტრო მოწყობილობების შეკეთება.



**ხათუნა ჯიშიაშვილი** „საქნახშირში“ მუშაობა 2006 წელს დაიწყო და სხვადასხვა პოზიციაზე მუშაობდა. 2017 წლიდან დღემდე სატაბელო სამსახურის ოპერატორია. მეუღლე, თენგი ჯიშიაშვილი შახტზე დაცვის სამსახურში ცვლის უფროსის პოზიციაზე მუშაობს. ჰყავს 2 შვილი და 1 შვილიშვილი. მათი ოჯახის შემოსავალი შახტაზე მიღებული ჰონორარია.



**ირმა გოგილიძე** თბილისის ტექნიკური უნივერსიტეტის კავშირგაბმულობის ფაკულტეტი და ტყიბულის სამთო ინსტიტუტი გამამდიდრებელის სპეციალობით დაამთავრა. 7 წელია „მინდელის“ შახტში მუშაობს სატაბელოს ოპერატორად. ჰყავს მეუღლე და ორი შვილი.



**ირა სოფრომაძე** ტყიბულის მეშვიდე საშუალო სკოლა დაამთავრა. 2012 წელს მუშაობა მინდელის სახელობის შახტის სატაბელო განყოფილებაში დაიწყო და დღემდე აქ მუშაობს, სატაბელოს ოპერატორად. ჰყავს მეუღლე, 3 შვილი და 1 შვილიშვილი.



მეუღლე, ჭაბუკი სოფრომაძე „მინდელის“ შახტში, ოსტატ ამფეთქებლად მუშაობს. ამავე შახტში მუშაობს შვილი, მიხეილ სოფრომაძე, ის ტრანსპორტის უბანში ელმავლის მემანქანაა.

**თამარ ბრეგაძე** ტყიბულში, მუშაობის ოჯახში გაიზარდა. დამთავრებული აქვს ქუთაისის ეროვნული უნივერსიტეტის ეკონომიკის ფაკულტეტი, ეკონომისტის კვალიფიკაციით.



თამარმა „მინდელის“ შახტის სატაბელოში მუშაობა 2013 წელს დაიწყო და დღემდე სატაბელოს უფროს ოპერატორად მუშაობს. მანამდე, ექვსი თვე ტყიბულის მუნიციპალიტეტის გამგეობის საფინანსო სამსახურში მუშაობდა.





**იმო აბუთიძე** "მინდელის" სახელობის შახტის სატაბელო განყოფილების უფროსია. მის დაქვემდებარებაშია „ძიძიგურის“ შახტის სატაბელო განყოფილება. ქალბატონი იმო ამბროლაურის რაიონში დაიბადა. დაამთავრა ტყიბულის ინდუსტრიული ტექნიკური და საქართველოს ტექნიკური უნივერსიტეტის (გეპეის) ტყიბულის ფილიალი, სამთო მშენებელ - ინჟინრის კვალიფიკაციით.

შახტში მუშაობა 1981 წელს, კურიერის პოზიციაზე დაიწყო. შემდეგ შახტის ზედაპირულ კომპლექსზე გადავიდა, ამის შემდეგ კი სამთო ოსტატად მუშაობდა. ერთი წელი სამარქმენიდეო განყოფილებაში მუშაობდა სამთო მუშად და შახტშიც ჩადიოდა სამუშაოდ. 1985 წელს მუშაობა „მინდელის“ შახტის სატაბელო განყოფილებაში დაიწყო და დღემდე სატაბელოს უფროსია. უკვე 40 წელია სავაერო საქმეს აკეთებს:

“წლებია მინდელის შახტის სატაბელო განყოფილების უფროსი ვარ და მის გამართულ საქმიანობაზე ვარ პასუხისმგებელი. როგორც კი მეშახტე შემოდის სატაბელოში, მისი აღრიცხვით და შახტში ჩასვლით დანაწევლები, იქიდან ამოსვლით დამთავრებული, ყველაფერს ვაკონტროლებთ. ასევე აღვრიცხავთ ზედაპირულ სამუშაოზე დასაქმებულებს. ვანვით საჭირო ინვენტარს. ჩვენ გარეშე მეშახტე ვერც შახტში წავა და ვერც ზედაპირულ სამუშაოზე.

მყავს მეუღლე, ლევან გელბაქიძე. ადრე „ძიძიგურის“ შახტზე მუშაობდა, შემდეგ „მინდელის“ შახტზე დირექტორის მოადგილედ საყოფაცხოვრებო დარგში. შემდეგ დაინიშნა ზედაპირულ კომპლექსზე და დღემდე იქ მუშაობს უბნის უფროსად. მყავს 2 გოგონა, ორივემ უმაღლესი სასწავლებელი, მაგისტრატურა დაამთავრა, ორივე დაოჯახებულია და თბილისში ცხოვრობს. თავს ბედნიერად ვგრძნობ - კარგი ოჯახი, მეუღლე და შვილები მყავს. კარგი სამსახური მაქვს და კარგი თანამშრომლები მყავს.

ძალიან კარგი ხალხი მყავდა ირგვლივ, კარგი უფროსები, არავისზე ცუდის თქმა არ შემიძლია. წლების მანძილზე, ძალიან ბევრ ადამიანთან მიწვევდა საქმიანი ურთიერთობა, მეგობრები

და ოჯახის ახლობლები გახდნენ ჩემთვის. მტკივნეულია შახტაზე მომხდარი უბედური შემთხვევების გახსნება, ყველა ავარიამ ძალიან იმოქმედა ჩემზე, თითქოსდა ჩემს თავზე გადაირა ყველაფერმა. ეს ჩემთვის მოუშუშებელი ტკივილია.

**“** შახტა ჩემი მეორე ოჯახია, ჩემი მამობრავებული ძალიან რომ იტყვიან, ვგარის. თითქოს, აქ დავიბადე და გავიზარდე. უბრალოდ, ამით ვცოცხლობ და ამით ვცხოვრობ. ეს ბიჭები ჩემი შვილებივით და ჩემი ძმებივით არიან.

შახტა რომ არ იყოს, ტყიბული არ იარსებებს. შეიძლება იარსებოს, მაგრამ ქალაქი დაიცლება. ტყიბული შახტის გარეშე არაფერი არაა. ამიტომ, დიდი მადლობა შახტის ხელმძღვანელობას რომ იყიდა შახტა და იმედი გვაქვს, მომავალშიც გამართულად იმუშავენ რომ ტყიბულმა იარსებოს.

ჩემი სახელით, სატაბელოს სახელით მადლობას ვუხდით შახტის ხელმძღვანელობას, დიდი მადლობა ბატონ მიხაილ სოცკის - ის რომ არ ყოფილიყო, ჩვენ არც ერთი არ ვიმუშავებდით, შახტა დახურული იქნებოდა. ყველაფერი დაიხურა, ყველაფერი გაჩერდა პანდემიის დროს, ბატონმა სოცკიმ ჩვენ გვაშუშავა და უხელფასოდაც არ დაგვტოვა.”

**მარინა ქასრაშვილი** განათლებით სამთო ინჟინერ-გამამდიდრებელია. მუშობა 1982 წლის 1 აგვისტოს, მაშინდელი “ორჯონიკიძის” სახელობის შახტზე, გამამდიდრებელი ფაბრიკის ცვლის ინჟინრად დაიწყო. ქვანახშირის გამამდიდრებელ ფაბრიკაში ცვლის ინჟინრად და მთავარ ინჟინრად წლების მანძილზე მუშაობდა. შემდეგ, ნახშირის ხარისხის ინსპექციაში და ნახშირის გასაღების სისტემაში იყო პირველი კატეგორიის ინჟინერი. 1997 წელს შემცირებაში მოხვდა და მალევე დაიწყო მუშობა ტყიბულის N4 საჯარო სკოლაში, ხაზვის მასწავლებლად.

2010 წლიდან სამუშაოდ „საქნახშირში“ დაბრუნდა და „მინდელის“ სახელობის შახტზე სალამპე-სატაბელო განყოფილებაში, ოპერატორის პოზიციაზე დასაქმდა, სადაც დღემდე მუშაობს. გარდა ამისა, ქალბატონი მარინა ტყიბულის სამთო ტექნოლოგიურ ინსტიტუტში (2011 წლიდან, გახსნის დღიდან მუშაობს), გამამდიდრებელი ჯგუფის ხელმძღვანელია, ამზადებს მყარი ნიაღისეულის გამამდიდრების სპეციალისტებს.

მეუღლე, ელვარდი ცირეკიძე ტყიბულის სამთო მამველის სამსახურის მეთაურია, ჰყავს 2 შვილი და 4 შვილიშვილი. შვილი, გიორგი ცირეკიძე „მინდელის“ სახელობის შახტში მექანიკოსად მუშაობს.

„ტყიბულისთვის ძალიან დიდი მნიშვნელობა აქვს შახტას. რომ არა ეს შახტები, არ ვიცოდა გვემეფებოდა. განსაკუთრებით დასაფასებელია ახლანდელი ხელმძღვანელობა. ჩემი



შახტში საქმიანობის მანძილზე არ მახსოვს ასეთი დაფასებული რომ ყოფილიყოს მუშის შრომა, ჩვენი შრომა. ახლა ჩვენ არც ერთი წუთი აუნაზღაურებელი არ გვაქვს. ადრე, რამდენიც არ უნდა გვემუშავა, იმ ზედმეტ დღეს არავინ არ გვინაზღაურებდა. მაგალითად, გრაფიკით თუ გვინევდა 21 სამუშაო დღე და 28 დღეს ვიმუშავებდით, მაინც 21 დღე გვენერებოდა. ესენი რომ მოვიდნენ და გაერკვნენ სიტუაციაში, იმ დღიდან ჩვენ არც ერთი წუთი დაგვკლებია. ამიტომ, ყოველთვის განსამღვრულ ხელფასზე მეტს ვიღებთ. ხელფასზე იმ ზედმეტი დღეების დანამატი გვაქვს. ასევე, ბევრს ნიშნავს, რომ სასაღილოში უფასო კვება გვაქვს, სადაც კარგი და გემრიელი კერძებია.

შახტზე დღეს უსაფრთხოებაც ბევრად უფრო გაძლიერებულია. ყველანაირად ცდილობენ, რომ შახტში უსაფრთხოება დაცული იყოს, ცოტა ჩვენც გვმართებს მუშა-მომსახურეებს დაკვირვება. მშვიდობას ვუსურვებ „საქნახშირს“ და მთელს საქართველოს, მშვიდობიანი დღეები გვქონდეს. ვისურვებდი, რომ უდანაკარგო, უსისხლო ნახშირი მოგვეპოვებინოს.”

## მილოცვები



**ტყიბულისა და თერჯოლის მიტროპოლიტი, მეუფე გიორგი შალამბერიძე იუბილარია!**  
**„საქნახშირი“ ულოცავს მეუფე გიორგის 81 წლის იუბილეს, ჭანმრთელობას და დიდხანს სიცოცხლეს ვუსურვებთ.**

**ტყიბულის, თერჯოლის, გესტაფონისა და ბაღდათის მაჟორიტარ დეკრეტატს, ბეჟან ნაქაძეს ულოცავთ დაბადების დღეს. ბედნიერებას, წინსვლას და ჭანმრთელობას ვუსურვებთ.**



## ილია სულამანიძე

**ბრინჯაოს მედლის მფლობელია!**



**ილია სულამანიძე** ბრინჯაოს მედლის მფლობელი გახდა. თელ-ავივის გრან სლემის ფინალურ ბლოკში 100 კგ წონით კატეგორიაში ილია და ონისე სანებლიძე ერთმანეთს მესამე ადგილისთვის შეხვდნენ. ფინალის გამარჯვებული 19 წლის ტყიბულელი ძიუდოისტი ილია სულამანიძე გახდა.

ილიასთვის ეს სადებიუტო ტურნირი იყო უფროსებს შორის.





# რევამ სტურუა - პოეტი, სამთო საქმის აღიარებული მკვლევარი და თვალსაჩინო მეცნიერი

სამთო სფერო აღიარებულ მკვლევარს, თვალსაჩინო მეცნიერს, პროფესორ რევამ სტურუას გამოემშვიდობა. რევამ სტურუას სამეცნიერო-საინჟინერო მოღვაწეობის სფერო სასარგებლო წიაღისეულის გადამამუშავება-მინერალური პროცესები გახლდათ. იგი სამთო დარგის ცნობილი სპეციალისტი იყო და სამეცნიერო მიმართულებებს ხელმძღვანელობდა. მისი ხელმძღვანელობით შეიქმნა შავი და ფერადი ლითონების მადნების გამდიდრების ტექნოლოგიებთან ინტენსიური ენერგეტიკული პროცესების კომბინირების მეცნიერული საფუძვლები, რაც პრაქტიკულად ახალი მაღალეფექტური ტექნოლოგიების შექმნაში გამოიხატა.

რევამ სტურუას ხელმძღვანელობით ჩატარებული კომპლექსური კვლევის საფუძველზე განხორციელებულია სასარგებლო წიაღისეულის ფლოტაციის პროცესის ინტენსიფიკაციის სამეცნიერო პრობლემის თეორიული დებულებების განზოგადება, დამყარებული ინტენსიური ელექტრული შემოქმედების გამოყენებაზე და შემუშავებულია პრაქტიკული რეკომენდაციები, რომელთაც სახალხო სამეურნეო მნიშვნელობა აქვთ.

მისი ხელმძღვანელობით შემუშავებული იქნა ტყიბულის ლიპტომიოლიტური ნახშირების გამდიდრების რაციონალური სქემების დამუშავების საკითხები და ტყიბულის წყალსაცავიდან წვრილმარცვლოვანი ნახშირებისა და სამშენებლო მასალების მოპოვების ტენოლოგია, რომელსაც აგრეთვე დიდი ეკონომიკური და ეკოლოგიური მნიშვნელობა აქვს რეგიონისათვის.

რევამ სტურუა ხელმძღვანელობდა სამეცნიერო კვლევებს საქართველოს წიაღისეულ საბადოთა ბარიტმემცველი, პოლიმეტალური, თუთიის, ოქროსშემცველი მადნების და კვარციტების გამდიდრების კომბინირებული მეთოდებისა და რაციონალური ტექნოლოგიური სქემების შემუშავების მიმართულებით.

1997 წელს გერმანიაში, ქ. აახენში გამართულ მინერალური პროცესების მსოფლიო XIX კონგრესზე პროფ. რ. სტურუა მინერალური პროცესების მსოფლიო კონგრესების სამეცნიერო საორგანიზაციო მუდმივ მოქმედი კომიტეტის წევრად აირჩიეს.

სახვადასხვა დროს იყო საქართველოს სწავლულ ექსპერტთა საბჭოს წევრი და თავმჯდომარის მოადგილე, ჟურნალ „იზვესტია ვუზ“-ის სარედაქციო კომისიის წევრი, ჩრდილო-კავკასიის სამთო მეტალურგიული უნივერსიტეტის სადისერტაციო საბჭოს და რუსეთის მეცნიერებათა აკადემიის წიაღისეულთა ფიზიკურ-ქიმიური გამდიდრების სამეცნიერო საბჭოს წევრი.

1996 წ. რ. სტურუა აირჩიეს საქართველოს საინჟინერო აკადემიის ნამდვილ წევრად. იგი არის რუსეთის სამთო აკადემიის ნამდვილი წევრი, რუსეთის საინჟინერო აკადემიის და ინფორმატიკის საერთაშორისო აკადემიის წევრი, აშშ-ს სამეცნიერო კვლევითი საზოგადოების პრეზიდენტი.

1988 წელს დაჯილდოვდა „საპატიო ნიშნის“ ორდენით, ხოლო 1998 წელს - ღირსების ორდენით. საქართველოს ტექნიკური უნივერსიტეტის აკადემიურმა საბჭომ გაითვალისწინა მისი პედაგოგიური, მეცნიერული და ორგანიზაციული საქმიანობა, დამსახურება უნივერსიტეტის მიმართ და 2011 წელს დააჯილდოვა უნივერსიტეტის უმაღლესი ჯილდოთი - გ. ნიკოლაძის მედლით.

ბატონი რევამ არა მარტო დიდი მეცნიერი, პედაგოგი და საზოგადო მოღვაწე, არამედ დიდი ადამიანობის განსახიარებაც იყო. იგი გამოირჩეოდა თავისი ნიჭით, ინტელექტით, თავისი ზნეკეთილობით, უბრალოებითა და თავმდაბლობით. დიდთან დიდი იყო, პატარასთან პატარა. ცხოვრებაში უამრავი სიკეთე და ქველმოქმედება აქვს გაკეთებული, ძალიან ბევრ გაჭირვებულ ადამიანს დასდგომია გვერდში.

ბატონი რევამ სტურუა უღალატო კაცი იყო, ამიტომაც, უამრავი მეგობარი ჰყავდა როგორც საქართველოში, ისე მის ფარგლებს გარეთ. არ არსებობდა სფერო, რომელშიც თავისი სიტყვა არ ეთქმოდა.

განსაკუთრებით უყვარდა ქართული სუფრა, იყო კარგი თამადა, უყვარდა მოლხენა, მართალია თვითონ ვერ ან არ მღეროდა, მაგრამ დიდ სიხარულს განიცდიდა სხვის ნამღერზე, სხვის ნათქვამ ლექსზე. მართალია გვიან, მაგრამ ეწვია პოეზიის მუზაც და დიდი ნაჭდევიც დაამჩნია მის სუფთა გულს. მისი პოეტური სიყვარულის წყარო ყველა და ყველაფერი იყო, რამაც წარუშლელი შთაბეჭდილება დატოვა ბატონი რევოს სულზე: სამშობლო, ოჯახი, სატრფო, კათოლიკოს-პატრიარქი, მეგობრები, ჩვენი ყოფა-ცხოვრების ლაბირინთები, სიყრმის ქალაქი ბათუმი და ა.შ.

როგორც ზემოთ აღვნიშნეთ, ბატონი რევოს გამოჩენა პოეზიის პარნასზე ტრადიციული გაგებით დაგვიანებით შედგა - იგი 70 წელს გადაცილებული იყო. ამ დროს, საზოგადოებაში იგი უკვე ცნობილი იყო როგორც მეცნიერი, სამთო საქმის დარგის დიდი პროფესიონალი, დარგობრივი

სამეცნიერო აკადემიების წევრი, უმაღლესი განათლების ორგანიზატორი, არაჩვეულებრივი პედაგოგი, პროფესორი. მისი პირველი ლექსების გამოჩენა, ერთგვარად მოულოდნელიც კი იყო. თუმცა, ისიც გაცხადდა, რომ ზეგარდმო ნიჭი მის არსებობაში იმთავითვე მგზნებარებდა და მხოლოდ თქმის დროს ელოდა.

დროის თვალსაზრისით ბატონი რევამ სტურუას პოეზია ხანგრძლივობით არ გამოირჩევა - სულ რამდენიმე წელს ითვლის, თუმცა პოეტური ძეგრადობით აშკარად განსაცვიფრებელია. მან მოკლე დროში ათამდე პოეტური კრებული გამოაქვეყნა; არაერთხელ წარსდგა მკითხველის წინაშე ჩვენი სამწერლობო ჟურნალ-გაზეთებიდან. სატელევიზიო გადაცემების მეშვეობით, მოეწყო მისი პოეზიის საღამოები არა მარტო თბილისში, არამედ ბათუმში, ჭიათურაში და სხვაგან, სადაც პოეზიის მოყვარულთა დიდი მონონება და აღიარება ჰპოვა.

რევამ სტურუას ლექსების მოტივებზე შექმნილია სიმღერები, საქართველოს ტექნიკური უნივერსიტეტის თეატრალური სტუდიის „მოღინახეს“ მიერ დადგმულია სპექტაკლები.

რევამ სტურუა დღეს არა მხოლოდ კარგად ცნობილი პოეტია, არამედ ის ხელოვანია, რომელსაც მისი ნიჭის დამფასებელი, მისი პოეზიის ტრფიალი აუდიტორია ჰყავს. ამიტომაც, ის ძალიან მოკლე დროში გახდა მწერალთა კავშირის ნამდვილი წევრი. ის გალაქტიონ ტაბიძის სახელობის პრემიით იყო დაჯილდოებული. ყველაზე დიდი ჯილდო კი იმ ხალხის სიყვარულია, ვინც მის ხსოვნას არასოდეს არ დაივიწყებს!

**უფალო**  
*უფალო, ვერ ვიდექ  
მორჩილად ხატის წინ,  
თუმც სული თბებოდა  
მონასტრის ზარებთან,  
არ მძულდა მტერი და  
მიყვარდა მოყვარე  
და ფეხებს ვინმენდდი  
ცხოვრების კარებთან.*  
**გთხოვ, შემადლებინო  
სიკვდილის წინა  
ბოლო წუთს, ვედრებით  
თავი არ დავლუნო,  
ახლობლებს, მეგობრებს  
გამოვემშვიდობო,  
კარები მივხურო,  
არ გავიჭახუნო.**

**“ მივარბენინებ სნეულთან  
ნამლებს, აბებს თუ წვეთოვანს,  
უფალო, შემადლებინე,  
ფეხი დავბანო კეთროვანს.  
დღესაც კი ყურში უნივის  
პეტრეს იმ მამლის ყივილი,  
უფალო, შემადლებინე,  
მეტკინოს სხვისი ტკივილი.  
თუნდაც მომტაცონ ლოცვები  
და დამიტოვონ წყევლები,  
ობლად არ დამრჩეს, მიშველე,  
უფალო, სხვისი ცრემლები.**

ავტორები:

საქართველოს ტექნიკური უნივერსიტეტის პროფესორი **გელა მაჩაიძე.**

საქართველოს ტექნიკური უნივერსიტეტის სასწავლო სამეცნიერო და საექსპერტო ლაბორატორიის გამგე **იური ჯანიაშვილი.**



## ტყიბულში მრავალსართულიანი სახლების ფასადების რეაბილიტაცია მოხდება!

მერიის დაკვეთით და რეგიონებში განსახორციელებელი პროექტების ფონდის ფინანსური მხარდაჭერით, წელს ტყიბულის მუნიციპალიტეტში მნიშვნელოვანი ინფრასტრუქტურული პროექტები განხორციელდება. მათ შორის, მრავალსართულიანი საცხოვრებელი სახლების ფასადების რეაბილიტაცია. პროექტის ფარგლებში, რუსთაველის, ახობაძის და გელათის ქუჩებზე 9 სახლის ფასადი მოწესრიგდება. აღნიშნულთან დაკავშირებით, ტენდერი გამოცხადებულია და მიმდინარეობს შერჩევა-შეფასების პროცედურები. შიდა სასოფლო გზების მოწესრიგება მიმდინარეობს მონაშეთაში, ნაბოსლევი (ქათამაძეების უბანი), გელათში (მონასტერთან მისასვლელი ძველი გზის რეაბილიტაცია (აღდგენა)).

ახლო მომავალში, ქალაქ ტყიბულის N3 საბავშვო ბაღის რეაბილიტაცია დაიწყება. შიდა სასოფლო გზის ბეტონის საფარით რეაბილიტაცია იგეგმება 10 მიმართულებით.



## N2 საჯარო სკოლის მშენებლობა აქტიურად მიმდინარეობს

ტყიბულში, აქტიურად მიმდინარეობს N2 საჯარო სკოლის მშენებლობა. 150 მოსწავლემ გათვლილი სკოლის მშენებლობა მუნიციპალური განვითარების ფონდის დაფინანსებით ხორციელდება, რისთვისაც 2 534 362 ლარი იხარჯება.

პროექტის დასრულების შემდეგ სკოლა ახალი სასკოლო ინვენტარითა და თანამედროვე ტექნიკით აღიჭურვება.

შენობაში მოეწყობა კვების ბლოკი, ექიმის კაბინეტი და ბიბლიოთეკა. გარდა ამისა, სკოლას ექნება საბუნებისმეტყველო ლაბორატორია. აღიჭურვება თანამედროვე გათბობის სისტემით და ადაპტირებული იქნება სპეციალური საგანმანათლებლო საჭიროების მქონე მოსწავლეებისთვის. სკოლის ეზოში გაკეთდება გარე სპორტული მოედანი.

N2 საჯარო სკოლა ძველი შენობის ადგილზე შენდება, სადაც ავარიული შენობის დემონტაჟი განხორციელდა.

## ტყიბულში ღია საკონფერენციო სივრცე მოეწყობა

საქართველოში ევროკავშირის წარმომადგენლობისა და ტყიბულის მუნიციპალიტეტის მერიის ფინანსური მხარდაჭერით, ეკონომიკური აქტივობის ხელშეწყობის პროექტის ფარგლებში ტყიბულში უკვე მეორე წელია იდეების კონკურსი ცხადდება.

გასულ წელს, საგრანტო კონკურსში გაიმარჯვა იდეამ „ღია საკონფერენციო სივრცე, ყველასთვის ხელმისაწვდომი შეხვედრების ოთახი.“

შესაბამისად, მუნიციპალიტეტის თეატრში მოეწყობა 30 ადამიანზე გათვლილი, თანამედროვე სტანდარტების საკონფერენციო დარბაზი, რომლითაც სარგებლობა ნებისმიერ მსურველს შეუძლია.

საკონფერენციო სივრცე აღჭურვილია კონდიციონერების სისტემით და საჭირო ტექნიკით.



## საქართველოს პრემიერ-მინისტრმა ირაკლი ღარიბაშვილმა შეზღუდვების ეტაპობრივი შემსუბუქების გეგმა წარადგინა



საქართველოს პრემიერ-მინისტრმა ირაკლი ღარიბაშვილმა, უწყებათაშორისი საკოორდინაციო საბჭოს სხდომის დასრულების შემდეგ შეზღუდვების ეტაპობრივი შემსუბუქების გეგმა წარადგინა.

როგორც მთავრობის მეთაურმა აღნიშნა, საკოორდინაციო საბჭოს სხდომაზე განიხილეს არსებული ეპიდემიოლოგიური სიტუაცია და შესაბამისი გადაწყვეტილებები მიიღეს.

**ირაკლი ღარიბაშვილი:** „როგორც პარლამენტში გამოსვლისას შეზღუდვების შემსუბუქებასთან დაკავშირებით მოგახსენეთ, დღეს საკოორდინაციო საბჭოს სხდომაზე განვიხილეთ არსებული ეპიდემიოლოგიური სიტუაცია და მივიღეთ შემდეგი გადაწყვეტილებები, რომელიც მინდა გავაცნო საზოგადოებას.“

წარმოგიდგინებ ეკონომიკური საქმიანობის ეტაპობრივი აღდგენის გეგმას. სასტუმროები სამთო კურორტებზე გაიხსნება ხვალიდან, 25 თებერვლიდან არსებული ეპიდემიოლოგიური სტანდარტებისა და რეგულაციების სრული დაცვით; სამთო კურორტებზე არსებული საბაგროები გაიხსნება 8 მარტიდან, ასევე ეპიდემიოლოგიური სტანდარტებისა და რეგულაციების სრული დაცვით; საქალაქთაშორისო ტრანსპორტი

ამოქმედდება ხვალიდან, 25 თებერვლიდან; მუნიციპალური ტრანსპორტი შაბათ-კვირასაც იმუშავებს; რესტორნები შიდა სივრცეებში ფუნქციონირებას განაახლებენ შაბათ-კვირის გარდა ბათუმში 1 მარტიდან, ხოლო დანარჩენ საქართველოში 8 მარტიდან; ამასთან, ძალაში რჩება 21 საათიდან დილის 5 საათამდე გადაადგილებაზე დაწესებული შეზღუდვა; რესტორნებს შიდა სივრცეებში მოუწევთ დადგენილი რეკომენდაციებისა და სტანდარტების ზედმიწევნით დაცვა, რაც შესაბამისი უწყებების მხრიდან მკაცრად გაკონტროლდება; კონფერენციები და ტრენინგები შესაბამისი პროტოკოლის დაცვით განაახლდება 1 მარტიდან; სპორტული დარბაზები ფუნქციონირებას განაახლებენ 15 მარტიდან განსაზღვრული რეგულაციების დაცვით; სკოლამდელი აღზრდის დაწესებულებები, როგორც საჯარო, ისე კერძო, ფუნქციონირებას აღადგენენ 1 მარტიდან 2 კვირაში ერთხელ თანამშრომლების 20 %-ის სავალდებულო ტესტირების პირობით; უმაღლესი და პროფესიული სასწავლებლები კლინიკური, პრაქტიკული, ლაბორატორიული საქმიანობის აღდგენას და გამოცდების არადისტანციურ ფორმატში ჩატარებას შეძლებენ 1 მარტიდან, ხოლო სასწავლო პროცესის აუდიტორიებში აღდგენას - 15 მარტიდან; სასკოლო წრეები ასევე განაახლდება 15 მარტიდან; მუზეუმები და ბიბლიოთეკები საქმი-

ანობას განაახლებენ 1 მარტიდან; თეატრები, სპორტული კლუბები, პროფესიული ანსამბლები რეპეტიციების და ვარჯიშის განაახლებას შეძლებენ 15 მარტიდან, ხოლო საქმიანობის სრულად აღდგენას (თეატრალური წარმოდგენები, სპორტული შეჯიბრებები მაყურებლის დასწრებით) 1 აპრილიდან; არასასურსათო საცალო ვაჭრობა შაბათ-კვირის ჩათვლით, იგულისხმება როგორც სავაჭრო მოლები, ისე ბაზრობები, მუშაობას განაახლებენ 8 მარტიდან; საკოორდინაციო საბჭოზე ასევე მივიღეთ გადაწყვეტილება ქვეყანაში ვიზიტორების დაშვებასთან დაკავშირებული რეგულაციების შემდგომ შემსუბუქებაზე, კერძოდ იმ ქვეყნების ჩამონათვალს, რომელთა მოქალაქეებს საქართველოს საჰაერო საზღვრის გავლით ქვეყანაში შემოსვლა შეუძლიათ პსრ ტესტის ნეგატიური პასუხით 1 მარტიდან ემატება შემდეგი ქვეყნები: სომხეთი, აზერბაიჯანი, უკრაინა, ყაზახეთი, რუსეთი, ბელარუსი. სახმელეთო საზღვრებზე ამ ეტაპზე ისევ ვინარჩუნებთ დღეს მოქმედ რეჟიმს. ეპიდემიოლოგიური ვითარების კონტროლით შეზღუდვების შემსუბუქებაზე გადაწყვეტილებები მიიღება მიმდინარე ეპიდვითარების ანალიზის საფუძველზე. მინდა იმედი გამოვთქვა, რომ მოქალაქეთა მხრიდან გამოჩენილი იქნება მაღალი სამოქალაქო პასუხისმგებლობა და ერთობლივი ძალისხმევით შევძლებთ ვითარების კონტროლს.“



# „ნიგნის მოყვარულთა კლუბი“

ნიგნის საჯაროდ კითხვის საერთაშორისო დღესთან დაკავშირებით ბავშვებისთვის „საქნახშირში“ „ნიგნის მოყვარულთა კლუბი“ შეიქმნა. კლუბის წევრი შეუძლია გახდეს ყველას, ვისაც კითხვა და ნიგნები უყვარს. დეა, გიორგი, თამარი, ქეთი და რეზი ჩვენი კლუბის პირველი წევრები არიან. იმედი გვაქვს, კიდევ ბევრი ბავშვი შემოგვიერთდება და ერთად ბევრ საინტერესო ნიგნს განვიხილავთ. წინ საინტერესო შეხვედრები გველოდება!



დეა გიორგიძე

## დეა გიორგიძე, ტყიბულის მეექვსე საჯარო სკოლა

“მარკ ტვენის “ტომ სოიერის თავგადასავალი” თუ არ გაქვთ წაკითხული, გირჩევთ, წაიკითხოთ. საინტერესო ამბებია ცელქ ტომზე, რომელსაც მშობლები არ ჰყავს და დეიდა ზრდის. ტომი საკუთარ შეცდომებზე ბევრ რამეს სწავლობს და მკითხველსაც ასწავლის. ყველას ვურჩევ, რომ აუცილებლად წაიკითხოთ, წინ დიდი სიამოვნება გველოდებათ.”

## რეზი ჩაფიძე, ტყიბულის პირველი საჯარო სკოლა



რეზი ჩაფიძე

“ჩემთვის განსაკუთრებით საინტერესო სამეცნიერო ნიგნებია. ძალიან მიყვარს კოსმოსი, ღამით ხშირად ვაკვირდები ცას. ამიტომ ნათლიამ მაჩუქა ნიგნი კოსმოსზე. სულ ვკითხულობ ნიგნებს, უმეტესად კი კოსმოსსა და პლანეტებზე. ვიმახსოვრებ მათ სახელებს და მდებარეობას.”



ქეთი ბაბუნაძე

## ქეთი ბაბუნაძე, ტყიბულის პირველი საჯარო სკოლა

“ბოლოს “პეპი გრძელი წინდა” წავიკითხე და ძალიან მომეწონა. პეპი იმიტომ, რომ მოუსვენარი და მხიარულია. ახლა ტომ სოიერის თავგადასავალს ვკითხულობ. ქართველი მწერლებიდან კი ყველაზე მეტად ნოდარ დუმბაძე მიყვარს. ნიგნის მოყვარულთა კლუბს სიხარულით ვუერთდები. ერთად ბევრ საინტერესო ნიგნს წავიკითხავთ!”

## გიორგი მიქაბერიძე, ტყიბულის პირველი საჯარო სკოლა



გიორგი მიქაბერიძე

“ძალიან მიყვარს გიორგი ლეონიძის “ნატვრის ხე.” ძალიან ლამაზად არის დანერგილი. არ მომწონს მართლაც როგორც მოექცნენ, არ მისცეს თავისი აზრის გამოთქმის უფლება. ეს ეპიზოდი არ მომეწონა, ისე ძალიან საინტერესო და კარგი ნიგნია. ახლა “პატარა მანანალას” კითხვა დავიწყე. ყველას ვურჩევ, რომ რაც შეიძლება ბევრი იკითხო. მეც ეს მიზანი მაქვს - რაც შეიძლება ბევრი საინტერესო ნიგნი წავიკითხო.”



თამარ მიქაბერიძე

## თამარ მიქაბერიძე, ტყიბულის პირველი საჯარო სკოლა

„ბოლოს „მე, ბებია, ილიკო და ილარიონი“ წავიკითხე. ამ ნიგნში ყველაზე მეტად ბებია მომწონს, ძალიან კეთილი და მზრუნველია. ვისაც წაკითხული არ აქვს, ვურჩევ წაიკითხოთ. ასევე, ძალიან მიყვარს აკაკი წერეთელი, გიორგი ლეონიძე. მუსტად ახლა „ნატვრის ხეს“ ვკითხულობ. ნიგნების კითხვა ძალიან სახალისო და საინტერესოა.“